

ASUNTU NE'EBÉ PRESIZA TAU ATENSAUN

- ▶ **Grupu Família rua Asalta Malu Tanba Animal**
- ▶ **Komunidade iha Faotbasin Oekusi Diskuti Malu ho Membru UPF Tanba Baliza Fonteira**
- ▶ **Joven Mane Nain rua Hetan Kanek Tanba Hetan Tuda iha Jogu Komunitaria**

GRUPU FAMÍLIA RUA ASALTA MALU TANBA ANIMAL

Iha dia 3 to'o dia 7 Agostu 2014, insidente kontinuasaun iha Aldeia Kolokau Suku Uma-Berloik, Subdistritu Alas. Akontese insidente entre viziñu nain rua tanba animal fahi. Motivu insidente ne'e mak komesa iha dia 22 Jullu 2014, família ida nia fahi inan ba tama iha família ida seluk nia luhan (fahi aman nia luhan) ne'ebé metin hela, depois nain ba animal fahi husi fahi aman hatene hela mais lakohi fó hatene ba fahi nain, tanba relasaun antes kedas família rua ne'e la dí'ak malu. Iha dia 3 Agostu, Señora ida nu'udar nain ba fahi inan mai hare no husu atu hasai ninia fahi husi fahi luhan. Animal Fahi aman nia nain lakohi ho razaun fahi inan ne'e mesak mai tama ba fahi aman nia luhan. Ho ida ne'e, fahi inan nia nain hirus no hakilar iha dalan katak, "naok fahi". Fahi aman nia nain la resposta, depois iha loraik, nain husi (fahi aman) nia oan feto nain rua fila husi joga voly no rona istoria ne'e, hodi ba asalta fisiku fali ba (fahi inan) nia nain no konsege rasta malu to'o estrada. Iha dia 4 Agostu 2014, oan mane husi (fahi aman) ho nia kolega sira mai husi Dili komesa halo provoca fali ba família husi nain ba (fahi inan) nian. Iha dia 07 Agostu 2014, oras 19.00 kalan, Inan feton nain rua husi nain (fahi aman) nian ba asalta tan fisiku hasoru inan feton husi nain (fahi inan) nian; baku, tuku, tebe no to'o monu ba rai. Tanba labele ona, Inan feton (fahi inan) nia nain, bolu fali nia katuas oan. Katuas oan mai ho ai-pedasuk ida, tau kedas pregu, mais antes to'o fatin, joven ida mai hasoru iha dalan, no pregu kona duni iha joven ne'e nia liman kabun to'o borus.

La kleur, grupu joven husi nain (fahi aman), mai asalta tan fisiku ba inan feton, ne'ebé nain ba husi (fahi inan) nia katuas oan hodi baku, tuku, tebe to'o monu tan ba rai, tanba hetan

Totál insidente fulan Agostu 2014	
Distritu	Insidente
Lautem	4
Covalima	1
Dili	14
Vikeké	10
Aileu	2
Ainaro	3
Ermera	4
Baucau	5
Manatuto	0
Manufahi	5
Oekusi	8
Likisá	14
Bobonaro	3
Totál	73

REVISTA SITUASAUN AGOSTU 2014

ataka maka'as, família fahi inan halai husi sira nia uma ba subar iha fatin seluk. Oras tuku 04:00 madrugada mikrolet ida ho ema nakonu husi Wedauberek, família fahi inan nian ho motor 7, mai asalta fali família fahi aman nian. Pontu fokal RPRK no Xefe Aldeia bolu Polisia, mais sira labele mai ho razaun motor lampu laiha. Foin tuku 06.00 dadersan Polisia mai ho kareta Ambulansia lori kanek sira ba Ospital. Iha asaun grupu família asalta malu ne'e, rezulta joven mane nain rua hetan kanek todan iha isin lolon. Iha dia 8 Agostu 2014, lia nain, Xefe Suku rezolve problema no fó fila fahi inan ne'e ba nain. Ema nain 13, Polisia kaer hodi halo investigasaun iha Polisia Esquadra subdistritu Alas, haruka sira fila fali ba ida-idak nia fatin, no rezultadu investigasaun ne'e, haruka ba iha PNTL Distirtu Manufahi hodi haruka ona ba Ministeriu Publiku iha distritu Covalima hodi halo'o prosesu tuir lei. Insidente ne'e mós akontese iha distritu seluk hanesan Manufahi 5, Lautem 1 no Oekusi 1.


KOMUNIDADE IHA FAOTBASIN OEKUSI DISKUTI MALU HO MEMBRU UPF TANBA BALIZA FONTEIRA

Iha dia 24 Agostu 2014, tuku 10.00 dadersan, iha Aldeia Quibiselo, Suku Bobometo, Subdistritu Oesilo. Akontese membru Tentara Nasional Indonézia (TNI) nain 8 ho armas kompletu, mai husi Postu Ni'no, Suku Inbate, Subdistritu Bicomí-Nilulat (Indonézia) halo impedementu projetu rehabilitasaun estrada husi Kapela Quibiselo to'o bá Postu UPF Faotbasin. Insidente hahu husi membru TNI tama ba area Faotbasin (Teritoriu Timor-Leste) hodi informa ba Komandante Postu UPF Faotbasin hodi hapara servisu rehabilitasaun Estrada. Komandante Postu UPF Faotbasin hapara kedas servisu ekipa husi obras publika ho comunidade. Insidente ne'e hasa'e tensaun comunidade no konsege diskuti malu ho Polisia UPF sira. Insidente impedementu rehabilitasaun estrada ba Postu UPF Faotbasin akontese tamba membru TNI kontinua, protesta katak area Faotbasin sedauk rezolve, maske rezolve ona iha fulan Jullu 2014 katak area ne'e area Timor-Leste nian.

JOVEN MANE NAIN RUA HETAN KANEK TANBA TUDA MALU IHA JOGU KOMUNITARIA

Iha dia 28 Agostu 2014 tuku 05:00 lokraik, iha Kampo Futbol Subdistritu Lautem, Aldeia Moro, Suku Parlamentu. Akontese grupu joven mane klubu desportu, sadik malu iha eventu Desportu Komunitaria. Grupu rua sadik malu depois kontinua ho tuda malu no baku malu. PNTL Subdistritu Lautem konsege tiru dala 15 hodi fó atensaun. Komisaun Organizadora ho PNTL Subdistritu kaer joven balun hodi halo investigasaun no rezolve kedas problema ne'e iha fatin. Impaktu husi insidente ne'e mak joven mane nain rua kanek iha ulun tanba hetan tuda ho fatuk. Insidente ne'e akontese mos iha distritu seluk hanesan Bobonaro 1, Vikeké 2, Lautem 2, Oekusi 1 no Dili 1.


KARATERÍSTIKA INCIDENTE




Incidente Fatin




Tipu Violensia



Metodu Violensia



Se Mak Hahu / Halo Violensia



Se Mak Vitima Nia Jeneru






ATIVIDADE PREVENSÃO NO RESPONDE BA KONFLITU

Atividade Ne'ebé Halao Husi Ekipa Demokrasi no Dezenvolvimentu liu husi Asaun Media no Hakbi'it (DAME):

- ▶ Ekipa fó treinamentu kona-ba oinsa halo mediasaun no oinsa hakerek proposta hodi asesu fundus Iha subdistritu Vikeké, Distritu Vikeké, realiza iha dia 14 to'o 15 Agostu 2014, hala'o iha Salaun Administrador Subdistritu Vikeké. Partisipante hamutuk nain 30, (Feto: 11 no Mane; 19) husi Rede Prevensaun no Responde Konflitu (RPRK) husi Subdistritu 3 (Ossu, Vikeké no Uatulari) . Maioria membru RPRK kompostu husi lider lokal, lider komunitaria, PNTL no estrutura rede.
- ▶ Ekipa fó Treinamentu ho topiku hanesan, halao mos iha subdistritu Baucau ba Rede Prevensaun no Responde Konflitu (RPRK) iha Subdistritu Baucau, realiza iha dia 12 to'o 13 Agostu 2014. Fatin treinamentu iha Salaun Administrasaun Subdistritu Baucau. Total partisipante treinamentu ne'e hamutuk nain 12 (F: 4 no Mane 8), husi estrutura rede no membru RPRK Subdistritu Baucau.

Atividade Ne'ebé Hala'o Husi Ekipa Atensaun no Responde Sedu (AtReS)

- ▶ Realiza Diskusaun Meja Kabuar (MJD), kona-ba rezultadus Belun nia peskiza ho topiku "Prosesu Pagamentu ba Idozus". Ne'e hanesan issu importante husi rezultadu monitorizasaun Belun nian iha programa Atensaun no Responde Sedu (AtReS). Ekipa Belun organiza Diskusaun Meja Kabuar iha dia 27 Agostu 2014. Fatin iha otel Vila-Verde, Kaikoli, Dili. Avertura husi Sekretariu Estadu Seguransa Sosial husi Ministeriu Solidariedade Sosiál (MSS) Sr. Vitor da Costa nomos Orador prinsipál, Lia-menon husi Diretóra Interina Belun Sra. Meta Mendonca, orador seluk mak husi Diretór Banco Nasionál Comersiu Timor-Leste, Sr. Sergio Spiritu Santos, Especialista Protesaun Sosial, Sra. Ana Fernandes husi Banku Mundial no NGO Belun, Sr. Constantino Brandão, Especialista Peskiza no Dezenvolvimentu Política. Partisipantes iha diskusaun ne'e kompostu husi funcionariu MSS, Dirasaun Nasional Resistu Civil Notariadu iha Ministeriu Justisa, SES/DNPCC, Forum NGO Timor-Leste, La'o Hamutuk, UNTL, representante Xefe Suku, representante juventude suku, CNJTL nsst.



Atividade Ne'ebé Halao Husi Ekipa Mediasaun no Rezolusaun Disputa (MRD)

- ▶ Fasilita mediasaun kona-ba disputa rai iha Manututo. Disputante haksesuk malu kona-ba rai heransa ne'ebé husik hela ba oan sira to'o ikus diskuti malu, tuir disputante hakarak nain ida deit mak sai na'in ba rai, kultura ne'ebé uma lisan sei hamrik ba . Ekipa MDR fasilita mediasaun iha dia 29 Agostu 2014, mais disputante sira kontinua haksesuk malu no lakohi simu hanoin husi lia nain sira. Atividade mediasaun ne'e sei kontinua ba fulan Setembru 2014.

KONA-BA REVISTA NE'E

Revista situasaun ne'e relata kona-ba asuntu xave relaciona ho insidente violénsia no tendensia husi koleksaun dadus monitorizasaun liu husi Sistema Atensaun no Responde Sedu (AtReS) Timor-Leste durante Agostu 2014. Belun esforsu atu fahé informasaun ne'ebé up-to-date no serteza ho dadus atual. Hanoin katak, situasaun bele hetan mudansa ho lalais, ami agradese no simu informasaun seluk ne'ebé bele karifika ka update dadus ne'ebé ami iha liu husi AtReS.

Marilia O. da Costa, Manajer Programa AtReS: bylah.belun@gmail.com (+670 7727 6671)

Laurensius Lein, Espesialista Prevensaun Konflitu: laurensius.belun@gmail.com (+670 7726 3798)